

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Коми Республикалӧн Каналан Сӧветса депутатъяс Е.В. Дьячковалӧн, О.А. Михайловлӧн да Г.Ю. Нагаевалӧн запрос серти “Коми Республикаын челядя семьяяслы канму гарантияс йылысь” 2004 во вӧльгым тӧлысь 12 лунся 57-РЗ №-а Коми Республикаса Оланпаслӧн 4 статьяын 1 юкӧнлӧн 2 абзаца положениеяслысь Оланподувлы лӧсялӧмсӧ видлалӧм йылысь делӧ серти Коми Республикаса Оланподув Ёрдлӧн шуӧм

Сыктывкар

2020 вося сора тӧлысь 2 лун

Коми Республикаса Оланподув Ёрд, кӧні веськӧдлысьнас вӧлі В.В. Кретов, ёрдысьяснас Д.Н. Басманов, Н.В. Боковинова,

кӧні участвуйтисны О.А. Михайлов, Г.Ю. Нагаева – Коми Республикалӧн Каналан Сӧветса депутатъяс, А.В. Никулин – Коми Республикалӧн Каналан Сӧветса депутат Е.В. Дьяčkоваӧс петкӧдлысь, Коми Республикаса Каналан Сӧветӧс петкӧдлысь Л.И. Черняева – Коми Республикаса Каналан Сӧветлӧн аппаратысь Инӧда веськӧдланінса начальникӧс вежысь, Коми Республикаса Юралысьӧс петкӧдлысьяс Н.А. Нефедова – Коми Республикаса Юралысьлӧн Канму-инӧда веськӧдланінса начальникӧс вежысь, В.Н. Абурова — Коми Республикаса сьӧм овмӧс министерствоын юридическӧй юкӧнӧн заведуйтысь, С.В. Матухно – Коми Республикаса удж, уджӧн могмӧдан да социальнӧя доръян министерствоын социальнӧй мынтӧмъяс серти юкӧнса начальник,

Коми Республикаса Оланподувлӧн 96 статьяса 2 юкӧнӧ, “Коми Республикаса Оланподув Ёрд йылысь” Коми Республикаса Оланпасын 3 статьялӧн 1 юкӧнса 1 пунктӧ, 78, 79 да 80 статьясӧ кутчысьӧмӧн,

видлаліс ёрдлӧн восьса заседание дырйи Коми Республикалӧн Каналан Сӧветса депутатъяс Екатерина Валериановна Дьячковалӧн, Олег Алексеевич

Михайловлӧн да Галина Юрьевна Нагаевалӧн запрос серти “Коми Республикаын челядя семьяслы канму гарантияс йылысь” 2004 во вӧльгым тӧлысь 12 лунся 57-РЗ №-а Коми Республикаса Оланпаслӧн 4 статьяын 1 юкӧнлӧн 2 абзаца положениеяслысь Оланподувлы лӧсялӧмсӧ видлалӧм йылысь делӧ.

Тайӧ делӧсӧ видлалан помкаӧн лоис Коми Республикалӧн Каналан Сӧветса депутатяс Е.В. Дьячковалӧн, О.А. Михайловлӧн да Г.Ю. Нагаевалӧн запрос, а видлалан подулӧн – эрдӧдӧм гӧгӧрвотӧмлун сы серти, лӧсялӧны-ӧ Коми Республикаса Оланподувлы вензяна нормалӧн положениеясыс.

Ёрдсы-докладчик Н.В.Боковиковалысь юӧрсӧ, шыӧдчысыяс О.А. Михайловлысь, Г.Ю. Нагаевалысь, Е.В. Дьячковаӧс петкӧдлысьлысь, Коми Республикаса Каналан Сӧветӧс петкӧдлысьлысь, Коми Республикаса Юралысьӧс петкӧдлысьяслысь висьтасьӧмсӧ кывзӧм бӧрын, сетӧм документъяссӧ да мукӧд материалсӧ туялӧм бӧрын Коми Республикаса Оланподув Ёрд

ш у и с:

1. “Коми Республикаын челядя семьяслы канму гарантияс йылысь” 2004 во вӧльгым тӧлысь 12 лунся 57-РЗ №-а Коми Республикаса Оланпаслӧн 1 статьяса 4-1 пунктӧн (водзӧ — Коми Республикаса Оланпас) быдтӧлысьясь сӧм мынтӧмсӧ урчитӧма сійӧ семьяслы, кӧні 2012 вося ӧшым тӧлысь 31 лун бӧрын чужӧма коймӧд кага либӧ чужӧмаӧсь водзӧ чужысь челядь – кагалы куим арӧс тыртӧдз. Индӧм пунктсӧ пыртӧма “Коми Республикаын челядя семьяслы канму гарантияс йылысь” Коми Республикаса Оланпасӧ вежсьӧмьяс пыртӧм йылысь” 2012 вося кӧч тӧлысь 24 лунся 67-РЗ №-а Коми Республикаса Оланпасӧн.

Тайӧ жӧ оланпасӧн Коми Республикаса Оланпаслӧн 4 статьяса 1 юкӧнӧ вӧлі содтӧма 2 абзац, кӧні урчитӧма, мый Коми Республикаса Оланпаслӧн 1 статьяса 4-1 пунктлӧн, 2 статьяса 7 да 8 юкӧнъяслӧн положениеясӧн (бӧрьяыс ладмӧдӧ 1 статьяса 4-1 пунктӧн урчитӧм быдтӧлысьясь сӧм мынтӧм босьтан пӧрадоксӧ да условиеяссӧ), вӧдитчӧны

инода йитодьяс серти, кутшомьяс артмомаось 2013 вося төвшөр төлысь 1 лунсянь 2015 вося ошым төлысь 31 лунөдз кадколасто кага (челядь) чужомкөд йитодын.

Бöрынджык “Коми Республикаын челядя семьяяслы канму гарантияяс йылысь” Коми Республикаса Оланпаслөн 2 да 4 статьясö вежсьомьяс пыртöм йылысь” 2015 во ошым төлысь 25 лунся 120-РЗ №-а, “Олысьясöс социальнöя дорьян юалöмьяс серти Коми Республикаса торья оланпастэчас актыясö вежсьомьяс пыртöм йылысь” 2018 во вöльгым төлысь 27 лунся 100-РЗ №-а да “Коми Республикаын челядя семьяяслы канму гарантияяс йылысь” Коми Республикаса Оланпасö вежсьомьяс пыртöм йылысь” 2019 во ошым төлысь 24 лунся 108-РЗ №-а Коми Республикаса Оланпасьясөн Коми Республикаса Оланпаслөн 4 статьялөн 1 юкөнса 2 абзацö пыртöма вежсьомьяс, мый бöрын Коми Республикаса Оланпасын 1 статьялөн 4-1 пунктса положениеяслысь вынсö вöли паськөдöма лöсялöмөн инода йитодьяс вылö, кутшомьяс артмомаось 2013 вося төвшөр төлысь 1 лунсянь 2016 вося ошым төлысь 31 лунөдз, 2019 вося төвшөр төлысь 1 лунсянь 2020 вося ошым төлысь 31 лунөдз кадколасто кага (челядь) чужомкөд йитодын. Мый бöрын уна челядя семьяяс, кодьяслы колö отсöг, кöни чужöма коймөд кага либö чужöмаось водзö чужысь челядь 2017 вося төвшөр төлысь 1 лунсянь 2018 вося ошым төлысь 31 лунөдз кадколасто, эз босьтны социальнöя отсалан тайö сикас вылö инöдсö.

Шыодчысьяслөн, Коми Республикаса Каналан Сöветлөн депутатьяс группалөн видзöдлас серти, татшöм пöрадокыс оз лöсяв канму гарантияяс сетöмын веськыдлунлөн корöмьяслы, сы вöсна мый торйöдö гражданасö оз сы серти, мый найö нуждайтчöны социальнöя отсалан мераяс босьтöмын, а сы серти, кор чужöма кагаыс, мыйöн пуктö гражданасö, кодьяслөн öткодь социальнöй положениеыс, социальнöй гарантия сетысь оланпас серти абү öткодь положениеö.

Шыодчысьяслөн видзöдлас серти, гражданысь инöдьясö сы вылö, медым босьтны быдтöлысья сьöм мынтöмсö сэк, кор налөн семьяын чужöма

коймод кага либõ чужомаõсь водзõ чужысь челядь – кагалы куим арõс тыртõдз, дзескõдõмыс, кутшõмõс урчитõма сõмын сьõмкудйын финансõвõй планъясõн, торъя кад серти торъялõмõн, торкõ веськыдлунлысь да оланпас водзын быдõнлõн õткодълунлысь оланподув принципьяссõ (Коми Республикаса Оланподувлõн 17 статья), а сідзжõ оз сет позянлун збыльмõдны Коми Республикаса Оланподувлысь 11 статьясõ, кõнi урчитõма, мый Коми Республикаса социальнõй да экономическõй политикасõ колõ веськõдны условиеяс лõсьõдõм вылõ, кутшõмьяс могмõдõны мортлысь тыр-бура олõмсõ да ас вõляысь сõвмõмсõ.

“Коми Республикаса Оланподув Ёрд йылысь” Коми Республикаса Оланпаслõн 68 статьяса мõд да коймõд юкõнъяс подув вылын Коми Республикаса Оланподув Ёрд примитõ шуõмьяссõ да определениеяссõ сõмын шыõдчõмын индõм видлалантор серти да актлõн сõмын сійõ юкõн серти, кутшõмõс шыõдчõмын лыддьõны оланподувлы лõсвятõмõн. Та дырйи Коми Республикаса Оланподув Ёрд примитõ делõ серти помшуõмсõ видлалан актлысь кыдзи веськыд вежõртассõ, сідзи и официальной да мукõд актõн гõгõрвоõдан вежõртассõ либõ инõдõн вõдитчан артмõм практикаын сылысь вежõртассõ донъялõмõн, а сідзжõ инõда актъяслõн системаын сылõн ин вылõ мыджсьõмõн.

Коми Республикаса Оланподув Ёрд тайõ жõ Оланпаслõн 3 статьяса мõд да коймõд юкõнъяс серти решайтõ сõмын инõд серти юалõмьяссõ, оланподув судопроизводство дырйи сійõ кутчысьõ збыль лоõмторьяс урчитõмысь да туйлõмысь став случайын, кор тайõ пырõ мукõд ёрдлõн либõ мукõд органлõн компетенцияõ.

Сідзкõ, Коми Республикаса Оланподув Ёрдõн видлаланторйõн лоõны “Коми Республикаын челядя семьяяслы канму гарантияяс йылысь” 2004 во вõльгым тõлысь 12 лунся 57-РЗ №-а Коми Республикаса Оланпасын 4 статьяса 1 юкõнлõн 2 абзацса положениеяс (кутшõмõс пыртõма 2012 во кõч тõлысь 24 лунся 67-РЗ №-а Коми Республикаса Оланпасõн, 2015 во õшым тõлысь 25 лунся 120-РЗ №-а, 2018 во вõльгым тõлысь 27 лунся 100-РЗ №-а,

2019 во öшым тöлысь 24 лунся 108-РЗ №-а Коми Республикаса Оланпасъяслöн редакцияын) сійö юкöнын, кöні индöм положениеясыс оз урчитны гражданысь, кодъяслöн эмöсь челядь да кодъяслы колö отсöг, инöдъяссö сы вылö, медым босътны быдтöлысья сьöм мынтöмсö сэж, кор 2017 вося тöвшöр тöлысь 1 лунсянь 2018 вося öшым тöлысь 31 лунöдз кадколастö налöн семьясын чужöма коймöд кага либö чужöмаöсь водзö чужысь челядь – кагалы куим арöс тыртöдз, а стöчджыка кö, видлавны сы серти, лöсялö-ö вензян нормаыс Коми Республикаса Оланподувлöн 11, 17 да 40 статьяяслы.

2. Россия Федерацияса Оланподув да Коми Республикаса Оланподув социальнöй канмулöн медшöр могъяс серти, кодлысь политикасö веськöдöма условиеяс лöсьöдöм вылö, кутшöмъяс могмöдöны мортлысь тыр-бура олöмсö да ас вöляысь сöвмöмсö, быдöнлы гарантиуйтöны арлыд серти, висигöн, вермытöмлун вöсна, вердысьöс воштiгöн, челядьöс быдтöм-сöвмöдöм могысь да оланпасöн урчитöм мукöд случайын социальнöя могмöдöмсö (Россия Федерацияса Оланподувлöн 7 статьяса 1 юкөн, 39 статьяса 1 юкөн; Коми Республикаса Оланподувлöн 11 статья, 40 статьяса 1 юкөн). Россия Федерацияын сетöны канмусянь отсöг семьялы, мамлунлы, батылунлы да челядьдырлы, урчитöны канмусянь пособиеяс да социальнöя дорьян мукöд гарантия; мамлун да челядьдыр, семьяöс дорйö канму, челядьöс быдтöм-сöвмöдöм могысь гарантиуйтöны социальнöя могмöдöм (Россия Федерацияса Оланподувлöн 7 статьяса 2 юкөн, 38 статьяса 1 юкөн, Коми Республикаса Оланподувлöн 39 статьяса 1 юкөн). Та дырйи Коми Республикалöн социальнöй политикаын нырвизьяссö индiгöн Коми Республикаса Оланподув такöд öттшöтш оз урчит стöча индöм дорьян мераяс, сiдзжö, кыдзи и оз урчит сійö либö мöд гражданы найöс сетан ыдждасö да условиеяссö. Дорйöмын котыртана-инöда сикасьяссö, сiйöс сетан условиеяссö, йöзсö индöмыс, кодъяс вылö паськалöны социальнöя дорьян мераясыс, пырö оланпас дасьтысьлöн дискреционнöй уджмогъяс лыдö.

Семья, мамлун, батылун да челядьдыр дорйём, а сідзжө йөзөс социальнөя дорйём лооны Россия Федерацияса Оланподувлөн 72 статья серти (1 юкөнлөн “ж” пункт) Россия Федерациялөн да сылөн субъектыяслөн өтвыв веськөдланторйөн (Коми Республикаса Оланподувлөн 64 статьяса 1 юкөнлөн “ж” пункт). Өтвыв веськөдланторьяс серти йөзөдсьоны федеральнөй оланпасьяс, кутшөмьяс серти Коми Республика ачыс збыльмөдө асьыс инөд боксянь ладмөдөмсө (Коми Республикаса Оланподувлөн 64 статьяса 2 юкөн). Та дырйи Коми Республикаса Оланподувлөн 65 статья серти Коми Республикаса оланпасьяс да мукөд инөда акт оз вермыны мунны оланпасьяслы паныд, кутшөмьясөс примитөма федеральнөй канму власьт органьясөн Россия Федерациялөн уджмогьяс серти.

Оланподув серти предписаниеяссө төд вылө босьтөмөн индөм юкөнын дискреционнөй уджмогьяс збыльмөдигөн федеральнөй оланпас дасьтысь өткымын федеральнөй оланпасын урчитөма челядя гражданаөс социальнөя дорьян унапөлөс мера.

Гөля олысь семьяяслы, гөля өткөн олысь гражданагы канмусянь социальнөй отсөг сетан инөда да котыртана подувьяссө индөма “Канмусянь социальнөй отсөг йылысь” 1999 во сора төлысь 17 лунся 178-ФЗ №-а Федеральнөй оланпасын, көнi сы могысь, медым видзны гөля олысь семьяяслысь, гөля өткөн олысь гражданагысь олан тшупөдсө, кодьяслөн өти морт вылө шөркодь чөжөсыс этшаджык овны судзяна сьом ыдждаысь, мыйта урчитөма Россия Федерацияса субъектын, урчитө канмусянь социальнөй отсөг сетан сикасьяссө, кутшөмьясөс Россия Федерация мутасын быть колө сетны (3 да 4 статьяяс).

“Челядя гражданагы канмусянь пособиеяс йылысь” 1995 во ода-кора төлысь 19 лунся 81-ФЗ №-а Федеральнөй оланпасөн урчитөма канмусянь пособиеяс сетан өтувья система, кутшөмьясөс мынтөны челядь чужөмкөд да найөс быдтөмкөд йитөдын. Найөс мынтан могыс – могмөдны мамлун, батылун да челядьдыр серти канмуөн гарантируйтөм материальнөй отсөгсө.

Сійӧс тӧд вылӧ босьтӧгӧн, мый семьяс, мамлун, батылун да челядьдыр дорйӧм, а сідзжӧ йӧзӧс социальнӧя дорйӧм пырӧны Россия Федерациялӧн да сылӧн субъектыслӧн ӧтвыв веськӧдлӧм улӧ, федеральнӧй оланпас дасьтысь челядя семьясӧс социальнӧя дорьян юкӧнын Россия Федерацияса субъектыслӧн канму власьт органьяслысь уджмогьяссӧ индӧгӧн сетӧма налы инӧд урчитны Россия Федерацияса субъектлӧн сьӧмкуд сьӧм тшӧт весьтӧ торья категория гражданалы социальнӧй ӧтсӧг сетан да социальнӧя ӧтсалан содтӧд мераяс (“Россия Федерацияса субъектыслӧн канму власьт оланпас пыртысь (бӧрйӧм) да олӧмӧ пӧртысь органьяс котыртан ӧтувья принципьяс йылысь” 1999 во йирым тӧлысь 6 лунся 184-ФЗ №-а Федеральнӧй оланпаслӧн 26.3 статьяын 2 пунктса 24 пунктув, 26.3-1 статьяын 3 да 4 юкӧнъяс; “Челядя семьяслы канмусянь ӧтсӧг сетан содтӧд мераяс йылысь” 2006 во ӧшым тӧлысь 29 лунся 256-ФЗ №-а Федеральнӧй оланпаслӧн 1 статьяса 2 юкӧн).

3. Семьялы, мамлунлы, батылунлы да челядьдырлы канмусянь ӧтсӧгыс, кутшӧмӧс веськӧдӧма сы лыдын и чужысь кага лыдсӧ содтӧм вылӧ (семьясын мӧд да сы бӧрын водзӧ чужысь челядь чужсьӧмӧн) кызди тӧдчана условие, медым видзны да сӧвмӧдны Россияса уна национальносъта войтырӧс, урчитӧ, кызди эз ӧтчидысь индив Россия Федерацияса Оланподув Ёрд, сійӧс, медым вӧліны инӧда механизмьяс, кутшӧмьяс эськӧ могмӧдісны семья институтлы окталуна дорйӧмсӧ, мый тырвийӧ лӧсялӧ историяын торья кадӧ Россия Федерациялӧн социальнӧй да экономическӧй политикаын медшӧр могьяслы, а сідзжӧ экономика боксянь сӧвман тшупӧдлы да канмулӧн финансӧвӧй позянлуныяслы (2007 во рака тӧлысь 22 лунся 4-П №-а, 2011 во ӧшым тӧлысь 15 лунся 28-П, 2012 во ӧшым тӧлысь 6 лунся 31-П №-а, 2018 во рака тӧлысь 27 лунся 13-П №-а да мукӧд шуӧм).

Россия Федерацияса Президентлӧн 2007 во йирым тӧлысь 9 лунся 1351 №-а Индӧдӧн вынсьӧдӧма 2025 воӧдз кадколаст вылӧ Россия Федерацияын демографическӧй политика серти концепция, мый серти тайӧ этапын канмулӧн демографическӧй политикаын медшӧр могӧн лӧӧ

олысьяслысь лыдсö зумыдмöдöм. Могъяс пиысь öтиöн, мый отсалö воöдчыны тайö медшöр могöдз, лоö чужысь кага лыдсö содтöм (чужысь кага лыд серти öтвывтöм петкöдлассö 1,5 пöв содтöм) семьясын мöд да сы бöрын водзö чужысь челядь чужсьöмöн, кутшöмöс решитöмö пырö челядя семьяслы канмусянь отсöгсö ёнмöдöм.

Сы могысь, медым бурмöдны Россия Федерацияын демографическöй политикасö, “Россия Федерацияын демографическöй политика збыльмöдан мераяс йылысь” Россия Федерацияса Президентлөн 2012 во ода-кора тöлысь 7 лунся 606 №-а Индöдөн (водзö – 2012 во ода-кора тöлысь 7 лунся 606 №-а Индöд) Россия Федерациялөн субъектыясса медвылыс чина йöзлы (канму власьт медвылыс олöмö пöртысь органъясöн юрнуöдысьяслы) вöзйöма урчитны 2012 во сора тöлысь 1 лунöдз семьяслы, кодъяслы колö отсöг, быдтöлысса сьöм мынтöмсö овны судзяна сьöм ыдждаын, мыйта индöма Россия Федерациялөн субъектын челядьлы, кутшöмöс индöны сэк, кор 2012 вося öшым тöлысь 31 лун бöрын чужöма коймöд кага либö чужöмаöсь сы бöрын водзö чужысь челядь кагалы куим арöс тыртöдз (2 пункт).

Тайö жö Индöдөн сідзжö урчитöма, мый 2013 восянь Россия Федерацияса Вескöдлан котырлы быть колö федеральнöй сьöмкуд ассигнование тшöт весьтö сьöмөн öтув могмöдны Россия Федерацияса субъектыяслысь рöскöд кöсийсьöмъяссö, кутшöмъяс артмöны Индöдлөн 2 пунктын урчитöм мынтöмсö Россия Федерацияса сійö субъектыясын индигөн, кöни артмöма омöль демографическöй серпас да чужысь кага лыд серти öтвывтöм коэффициент ыдждаыс Россия Федерацияын шöркöдь ыдждаысь улынджык. Чужысь кага лыдсö содтöм могысь Россия Федерацияса Президентлөн 2017 во йирым тöлысь 18 лунся 487 №-а Индöдөн федеральнöй сьöмкудйысь сьöмөн öтув могмöдан уджтасö дінмуяслысь пырöдчан муртöссö вöлі вежöма – 2018 вося тöвшöр тöлыссянь уджтасö пырöдчöны дінмуяс, кöни чужысь кага лыд серти öтвывтöм коэффициент ыдждаыс оз вевтырт 2 коэффициент.

4. 2012 во ода-кора төлысь 7 лунся 606 №-а Индöдын индöм социальнöя отсалан мерасö Коми Республика мутасын урчитöма “Россия Федерацияын демографическöй политика збыльмöдан мераяс йылысь” Россия Федерацияса Президентлысь 2012 во ода-кора төлысь 7 лунся 606 №-а Индöд збыльмöдöм йылысь” Коми Республикаса Юралысьлөн 2012 во лöддза-номъя төлысь 15 лунся 73 №-а Индöдөн да “Коми Республикаын челядя семьяяслы канму гарантияяс йылысь” 2004 во вöльгым төлысь 12 лунся 57-РЗ №-а Коми Республикаса Оланпаслөн 1 статьяса 4-1 пунктөн, кутшöмöс пыртöма 2012 во кöч төлысь 24 лунся 67-РЗ №-а Коми Республикаса оланпасөн, кöни урчитöма быдтöлысса сьöм мынтöмсö семьяяслы, кöни 2012 вося öшым төлысь 31 лун бöрын чужöма коймöд кага либö чужöмаöсь сы бöрын водзö чужысь челядь – кагалы куим арöс тыртöдз.

Коми Республикаса Оланпаслөн 4 статьяса 2 абзац серти тайö Оланпасын 1 статьялөн 4-1 пунктса, 2 статьялөн 7 да 8 юкөнъясса положениеясөн вöдитчöны инöда йитöдьяс серти, кутшöмьяс артмисны кага (челядь) чужöмкöд йитöдын 2013 вося тövшөр төлысь 1 лунсянь 2016 вося öшым төлысь 31 лунöдз, 2019 вося тövшөр төлысь 1 лунсянь 2020 вося öшым төлысь 31 лунöдз кадколастö (абзацö пыртöма 2012 во 09.24 лунся 67-РЗ №-а КР Оланпасөн, 2015 во 12.25 лунся 120-РЗ №-а, 2018 во 11.27 лунся 100-РЗ №-а, 2019 во 12.24 лунся 108-РЗ №-а КР Оланпасьяслөн редакцияын).

Татшöм ногөн, Коми Республикаса оланпас дасьтысь, семья, мамлун, батылун да челядьдыр дорьян юкöнын асьыс уджмогьяссö збыльмöдигөн вöзйöмьяссö тöд вылö босьтöмөн, кутшöмьяс эмöсь 2012 во ода-кора төлысь 7 лунся 606 №-а Индöдын, федеральнöй тшупöдын да Коми Республикаын урчитöм гарантияяс дорö содтöд урчитöма челядя семьяяслы нöшта öти социальнöя отсалан мера сэк, кор сэни чужöма коймöд либö чужöмаöсь сы бöрын водзö чужысь челядь.

Тайö мынтöмлөн могыс кызди социальнöй, сідзи и ышöдана. Сідзкö, инöда боксянь сійö лоö семьяяслы, кöни чужöма коймöд либö сы бöрын водзö чужысь кага, социальнöя отсалан содтöд мераөн, мый вылö инöдыс Россия

Федерацияса Оланподув да Коми Республикаса Оланподув серти веськыда оз артмы. Тайö отсöгсö сетöны недыр кад кежлö, мый урчитöма Коми Республикаын демографическöй могъясöн да финансöвöй позянлунъясöн.

Оланпас дасьтысьöн урчитöм социальнöя отсалан содтöд мераяс вермöны урчитны сийöс мынтан ыжда да условиеяс торъялöмсö, но, кыззи эз öтчыдысь индив Россия Федерацияса Оланподув Ёрд, татшöм торъялöмыс - Россия Федерацияса Оланподувлөн корöмъяс серти, сы лыдын на серти, мыйяс артмöны сыöн урчитöм öткодьлун принцип вылö (19 статья), - вермас лоны, сы вылö кö эм объективнöй помка, сийöс кö подулалöма да сийöс кö веськöдöма оланподув серти тöдчана медшöр могъяс вылö, а медшöр могъясöдз воöдчöм вылö вöдитчöм инöда средствоясыс лöсялöны налы (Россия Федерацияса Оланподув Ёрдлөн 2000 во урасьöм тöлысь 18 лунся 3-П №-а, 2006 во лöддза-номъя тöлысь 15 лунся 6-П №-а, 2010 во ода-кора тöлысь 28 лунся 12-П да мукöд Шуöм).

Вензян нормалөн сюрöсысь артмö, мый республикаса оланпас дасьтысь медводз урчитöма быдтöлысья сыöм мынтöм вылö инöдсö семьяяслы сэк, кор сэнi чужöма коймöд кага либö чужöмаöсь сы бöрын водзö чужысь челядь – налы куим арöс тыртöдз, 2013 вося тövшöр тöлысь 1 лунсянь 2015 вося öшым тöлысь 31 лунöдз кадколастö кага (челядь) чужöмкöд йитöдын, а сэсся нюжöдöма тайö кадколастсö 2016 вося öшым тöлысь 31 лунöдз да бöрынджык содтöма – 2019 во тövшöр тöлысь 1 лунсянь 2020 вося öшым тöлысь 31 лунöдз кадколастö кага либö челядь чужöмкöд йитöдын.

Та дырйи оланпас дасьтысь кутöма тöд вылын Республикаын демографическöй серпассö, кутшöмöс дзик пыр колö ладмöдны сы вöсна, мый олысьяслөн лыдыс тöдчымөн чинö, а сiдзжö сийöс, мый индöм воясö Россия Федерацияса Веськöдлан котырлөн тшöктöмъяс серти Коми Республикасö вöли пыртöма Россия Федерацияса субъектыяслөн лыддьöгö, кутшöмъяс серти социальнöй мынтöмъясслөн тайö сикас серти субъектлысь

рöскод кöсйысьöмъяссö сьöмөн öтув могмöдöны федеральной сьöмкудйысь сьöмкуд ассигнование тшöт весьтö.

Мöд ногөн кö, семьяяслы коймöд либö сы бöрын водзö чужысь челядь чужöмкöд йитöдын индöм социальной отсалан содтöд мерасö республикаса оланпас дасьтысь вермис пöртны олöмö сöмын сэк, кор вöлі субъектлысь рöскод кöсйысьöмъяссö федеральной сьöмкудйысь сьöмкуд ассигнование тшöт весьтö сьöмөн öтув могмöдöм. Такöд йитöдын республикаса оланпас дасьтысь обжалуйтан нормаын урчитöма чужысь кага лыдсö петкöдлысь öтвывтöм улын коэффициентөн да Россия Федерацияса сьöмкудйысь сьöмөн öтув могмöдöмөн кадколастьяссö. Обжалуйтан нормаын эз вöв урчитöма да абу урчитöма тайö муртöсьяс улö веськавтöм кадколастьяссö. Инöд боксянь татшöм ладмöдöмыс, кутшöмöс збыльмöдöма Коми Республикаса оланпас дасьтысьлөн дискреционной уджмогыяс серти, сылысь инöдлы лöсялöмсö тöд вылö босьтöмөн оз мун паныд Коми Республикаса Оланподувлөн 11, 17 да 40 статьясса да федеральной оланпастэчасса предписаниеяслы.

Подулалöм муртöсьяссö – Коми Республикаын чужысь кага лыдсö петкöдлысь öтвывтöм улын коэффициентсö да тайö медшöр могъяс вылö Коми Республикалысь рöскод кöсйысьöмъяссö федеральной сьöмкудйысь сьöмкуд ассигнование тшöт весьтö сьöмөн öтув могмöдöмсö тöд вылö босьтöмөн, семьяяслы сэк, сэнi чужöма коймöд либö чужöма сы бöрын водзö чужысь челядь, содтöд мынтöмъяссö урчитöгөн оланпас дасьтысь абу торкöма оланпас водзын быдöнлөн öткодълун серти юридической (формальной) принципсö (Коми Республикаса Оланподувлөн 17 статья), сы вöсна мый оланпасыс урчитö быдöнлы öткодъ муртöсьяс. Татшöм сикас муртöсьяссö урчитöмыс оз жö ло тыр-бура олöм вылö инöд могмöдöмсö дзескöдöмөн, кызди тайö гöгöрвосьö Коми Республикаса Оланподувлөн 11 статьяын.

Россия Федерацияса субъектсö сьöмөн öтув могмöдöм вылö лыддьöгö пыртöм вылö бöрьян подувьясөн лöоны öнiя финансöвöй во водзын мунысь куим вобись чужысь кага лыдсö петкöдлысь öтвывтöм коэффициент ыджа, миграционной да естественной содöм.

2013-2016 воясын, а сідзжө 2019 да 2020 воясын демографическөй серпассө төд вылө босьтөмөн Коми Республика вылынджык лыддьөдлөм воясын босьтліс да босьтө коймөд кага либө сы бөрын водзө чужысь челядь чужөмкөд йитөдын быдтөлысья мынтөмьяс серти рөскод көсйысьөмьяс вылө сьөмөн индөм өтув могмөдөм.

2017 вося төвшөр төлысь 1 лунсянь 2018 вося өшым төлысь 31 лунөдз ськөд йитөдын, мый Республикаын демографическөй серпасыс лоөма өткодь да чужысь кага лыдсө петкөдлысь өтвывтөм коэффицентыс вевтыртөма, Россия Федерация пасьтала тшупөдсө өткодялөм серти, лыддьөдлөм кадколастьясө чужөм челядь вылө индөм социальнөя отсалан сикас вылө федеральнөй сьөмкудйысь сьөмөн өтув могмөдөмсө вөлі дугөдөма.

Такөд йитөдын урчитны да мынтыны вайөдөм мынтөмьяссө челядь вылө, кодьяс чужөмаөсь 2017 вося төвшөр төлысь 1 лунсянь 2018 вося өшым төлысь 31 лунөдз кадколастө, позьө вөлі сөмын Коми Республикаса республиканскөй сьөмкуд сьөм тшөт весьтө (“Россия Федерацияса субъектьяслөн канму власьтлысь оланпас пыртысь (бөрийөм) да олөмө пöртысь органьяс котыртан өтувья принципьяс йылысь” 1999 во йирым төлысь 6 лунся 184-ФЗ №-а Федеральнөй оланпаслөн 26.3 статьяса 2 пунктын 24 пунктыв), мый 2017 да 2018 воясын Республикаса сьөмкудлөн серпас серти, кызди тыдалө ёрдө сетөм төдмөгьясысь, подулалөмөн позянлуныс эз вөв.

Сы вöсна, мый сьөмкудьясыс асшөрөсь, Россия Федерацияса субъектьяс, кодьяслы быть колө могмөдны асланыс сьөмкудьяслысь өтвесьталөмсө да сьөмкуд сьөм видзан окталунсө, асьныс индөны Россия Федерацияса субъектлысь сьөмкуд сьөм видзан формаяссө да нырвизьяссө (рөскод кындзи, кутшөмөс сьөмөн могмөдөны мукөд тшупөда сьөмкудьясысь субсидияс да субвенцияс тшөт весьтө) (Россия Федерацияса сьөмкуд кодекслөн 31 статья да 85 статьяса 1 да 2 пунктьяс).

Татшөм ногөн, семья, мамлун, батылун да челядьдыр дорьян юкөнын уджмогьяссө выль рөскод көсйысьөмьяссө урчитөмөн збыльмөдігөн Коми

Республикаса оланпас дасьтысьлы колö кутчысьны йöзлы колана интересяс, медшöр могъяс да могъяс костын балансö, сы лыдын босьтны тöд вылö республикаын социальной да экономика боксянь серпассö да сылөн сьöмкудлысь позянлуньяссö.

2017-2018 воясын Коми Республика босьтліс Россия Федерацияса субъектыяслысь сьöмкудйын судзянлунсö öткодялöм вылö федеральной сьöмкудйысь дотация. 2017-2018 воясын дотация сетöм йылысь Россия Федерацияса сьöм овмöс министерствокöд артмöдчöмөн вöлі урчитöма Коми Республикалысь мераяс збыльмöдöм серти кöсийысьöмсö, кутшöмьясöс веськöдöма канму уджйöз да Коми Республикаса республиканскöй сьöмкудйын дефицит ыдждасö чинтöм вылö, а сідзжö сьöмкуд бурмöдöм вылö. Челядь вылö, кодъяс чужöмаöсь 2017 восянь 2018 воöдз кадколастö бöрьясö пыртöмөн, быдтöлысь сьöм мынтöмсö урчитöм могысь колö вöлі содтыны Коми Республикаса республиканскöй сьöмкудлысь рöскод кöсийысьöмьяссö, а татшöм позянлуныс республикалөн эз вöv.

Та дырйи Коми Республикаын збыльмöдiсны да öнi збыльмöдöны челядя семьяяслы, сы лыдын уна челядя семьяяслы, социальной отсалан мераяслысь системасö, кытчö пырö 10-ысь унджык пöлöс сикас, кутшöмьясöс сьöмөн могмöдöны республиканскöй сьöмкудйысь. 2017-2018 вояс вылö, а сэсся и на бöрын мунысь вояс вылö, республикаын вöлі нюжöдöма мамьяслы, кодъяс чужтöмаöсь коймöд либö сы бöрын водзö чужысь челядьсö, дiнмуса семейнöй капитал, мыйлөн ыдждаыс лоис 150,0 сюрс шайт да кутшöмöс позьö видзны уна сикас нырвизыын.

Сійö, мый 2017-2018 воясын республикалөн эз вöv дiнмуса сьöмкудйын финансöвöй позянлуныс сы вылö, медым урчитны семьяяслы 2017-2018 воясын чужöм челядь вылö содтöд быдтöлысь мынтöмьяссö, сöмын республикалөн сьöмкуд сьöм тшöт весьтö, оз висьтав веськыдлунлысь да öткодьлунлысь оланподув принципсö торкалöм йылысь.

Татшöм торъялöмсö подулалöма да та вылö эм помка, мöд ногөн кö, республикаса оланпас дасьтысьлөн сэк, кор сылөн эз вöv финансöвöй

позянлуныс лөсялана кадколастьясö мынтыны индöм мынтöмьяссö Россия Федерацияса сьöмкуд сьöмөн öтув могмöдтöг, эськö эз вöв позянлуныс тайö мынтöмьяссö урчитны и сийö войясын, кор сьöмөн татшöм öтув могмöдöмыс вöли да эм. Тайö лоö семьяяслы кага чужигөн содтöд социальнöя отсалан мераяс вылö инöд збыльмöдан ногьясысь öтиөн, а оз сийöс дзескöдöмөн.

Индöмторйысь тыдалö, мый оланпас дасьтысь кутчысьöма нормаяслөн вына системаö подулавтöг вежсьöмьяс пыртны позьтöмлунö, мый лөсялö оланпастэчас актьяслы, кызди и инöд боксянь ладмöдöмлөн формальнöя гөгöрвоанлун, сылөн стöчлун да ясыдлун, инöд нормаяс кык ногөн гөгöрвоны позьтöмлун да вына оланпастэчас системаын öта-мöдкöд налөн лөсяланлун серти принципö, сы вöсна мый юридическöй öткодьлунсö позьö могмöдны сöмын сэк, кор эм инöд нормасö öти ногөн гөгöрвоöм да гөгöрвоöдöм (Россия Федерацияса Оланподув Ёрдлөн 2008 во ода-кора тöлысь 27 лунся 8-П №-а, 2015 во сора тöлысь 14 лунся 20-П №-а, 2018 во тövшöр тöлысь 17 лунся 3-П №-а да мукöд Шуöм).

Вылынджык индöм категория гражданылы аслас сьöмкуд сьöм тшöт весьтö содтöд социальнöя отсалан мераяс урчитöм оз ло Россия Федерацияса субъектса канму власьт органьяслөн кывкутана могөн, а урчитсьö сэк, кор эм финансöвöй позянлун случайясын, ыдждаясын да кадколастьясын, кутшöмьясöс индö ачыс субъектыс (Россия Федерацияса сьöмкуд кодекслөн 85 статья).

Татшöм лоöмторьяс дырйи вензяна оланпаслөн инöдыс, кутшöмöс примитöма Коми Республикаса оланпас дасьтысь сылөн дискреционнöй уджмогьяс серти Коми Республикаса республиканскöй сьöмкудлысь финансöвöй позянлунсö тöд вылö босьтöмөн, оз позь донъявны сы боксянь, мый сийö оз лөсяв оланподувлөн предписаниеяслы да торкö гражданылысь оланподув инöдьяссö.

Сийö, мый “Коми Республикаын челядя семьяяслы канму гарантияс йылысь” 2004 во вöльгым тöлысь 12 лунся 57-РЗ №-а Коми Республикаса Оланпаслөн 4 статьяын 1 юкөнса 2 абзац серти шуöма, мый сийö оз мун

паньд Коми Республикаса Оланподувлы, сетö позянлун Коми Республикаса оланпас дасьтысьлы – оланподув серти тöдчана донаторьяс видзöм могысь, кутшöмьяс сетöны позянлун могмöдны – социальной канмуын быдöнөн вöдитчана стандартьяс подув вылын – бать-мамсö да мукöд йöзсö, кодьяс быдтöны челядсьö, лöсялана социальной могьяссö тыр-бура пöртны олöмö позянлунон, да могмöдны гражданалөн публичной да асланыс интересьяс костын баланссö, кодьяслөн эмöсь челядь да кодьяслы колö отсöг, кодьяслөн семьясын коймöд кагаыс либö сы бöрын водзын чужысь челядыс чужöмаöсь 2017 вося тöвшöр тöлысь 1 лунсянь 2018 вося öшым тöлысь 31 лунöдз кадколастö, республикалысь социальной да экономика боксянь серпассö да сылөн сьöмкудлысь позянлуныяссö тöд вылö босьтöмөн тайö тшупöдын пыртны вежсьöмьяссö вына инöд боксянь ладмöдöмö, кутшöмьясöс вескöдöма тайö семьяяссö содтöд социальной отсöгөн могмöдöм вылö.

Гижöм вылö подуласьöмөн, Коми Республикаса Оланподувлөн 96 статьяса 2 юкөнö, “Коми Республикаса Оланподув Ёрд йылысь” Коми Республикаса Оланпаслөн 66 статьяса 1 юкөнö, 68 статьяса 1, 2, 3 да 4 юкөнъясö, 69, 80 да 81 статьясö кутчысьöмөн, Коми Республикаса Оланподув Ёрд

ш у и с:

1. Лыддыны “Коми Республикаын челядя семьяслы канму гарантияс йылысь” 2004 во вöльгым тöлысь 12 лунся 57-РЗ №-а Коми Республикаса Оланпаслөн 4 статьяын 1 юкөнса 2 абзацсö (кутшöмöс пыртöма 2012 во кöч тöлысь 24 лунся 67-РЗ №-а Коми Республикаса Оланпасөн, 2015 во öшым тöлысь 25 лунся 120-РЗ №-а, 2018 во вöльгым тöлысь 27 лунся 100-РЗ №-а, 2019 во öшым тöлысь 24 лунся 108-РЗ №-а Коми Республикаса Оланпасьяслөн редакцияын) сийö юкөннын, кöни индöм положениеясыс оз урчитны гражданалысь, кодьяслөн эмöсь челядь да кодьяслы колö отсöг, сэк, кор налөн семьясын чужöма коймöд кага либö чужöмаöсь сы бöрын водзö

чужысь челядь – кагалы куим арӧс тыртӧдз быдтӧлысья сьӧм мынтӧм босьтӧм вылӧ инӧдсӧ, кӧнӧ коймӧд кагаыс чужӧма 2017 вося тӧвшӧр тӧлысь 1 лунсянь 2018 вося ӧшым тӧлысь 31 лунӧдз кадколастӧ, Коми Республикаса Оланподувлы, сьлӧн 11, 17 да 40 статьяяслы лӧсяланаӧн.

2. “Коми Республикаса Оланподув Ёрд йылысь” Коми Республикаса Оланпаслӧн 73 статья серти тайӧ Шуӧмыс лӧӧ бӧрьяӧн, сийӧс оз позь обжалуйтны, дзик пыр вынсялӧ сийӧс йӧзӧдӧм бӧрын, уджалӧ веськыда да сийӧс оз эскӧдны мукӧд органӧн да чина йӧзӧн.

3. “Коми Республикаса Оланподув Ёрд йылысь” Коми Республикаса Оланпаслӧн 72 статья серти тайӧ Шуӧмсӧ дзик пыр колӧ официальнойя публикуйтны “Коми Республикаса канму власьт органьяслӧн индӧд-тшӧктӧмьяс” журналын да йӧзӧдны “Ӧтуввез” юӧрган да коммуникация везйын Коми Республикалӧн официальной сайтын “Коми Республикаса канму власьт органьясӧн примитӧм инӧда актъяс, мукӧд официальной юӧр лыддьӧг” сетевӧй изданиеын (<http://law.rkomi.ru>).

Коми Республикаса Оланподув Ёрд